


三錢

右爲末煉蜜丸如梧桐子大每服七十九丸熟湯下

經卷之六終

臟腑證治圖說人鏡經卷之七

任脉圖



凡二十四穴自會陰由腹直上咽喉承漿穴止

人境屋

任脉者起於中極之下以上毛際循腹裏上關元至
喉嚨屬陰脉之海也

會陰正在兩陰間曲骨臍下毛際安中極臍下四寸
取三寸關元二石門氣海臍下一寸半陰交臍下一
寸論分明臍內號神闕水分一寸復上列下脘建里
中上脘一寸爲君分巨闕巨闕之上鳩尾連敝骨五
分之下按中庭臍下寸六分臍中兩乳中間看玉堂
紫宮及華蓋相去各寸六分筭華蓋璣下一寸存璇
璣突下一寸當天突結下宛宛取廉泉頷下骨尖傍
承漿頤前唇稜下任脉之部宜審詳

督脉圖



凡二十八穴自長強循脊上行貫頂由鼻至斷交止

督脉者起於下極之俞並於脊裏上至風府入腦上
巔循額至鼻柱屬陽脉之海也

音銀
牙根

交唇內齒縫鄉兌端正唇中央水溝鼻下

溝內索索膠宜向鼻端詳頭形北高面南下先以前
後髮際量分爲一尺又二寸髮上五分神庭當一寸
五分上星位顙會星上一寸強上至前頂一寸半寸
半百會居中央神聰百會四面取各開一寸風病主
後頂強間腦戶三相去各是一寸五髮際五分定瘡
門門上五分定風府上有大椎下尾骶分爲二十又
一椎古來自有折量法靈樞凜凜不可欺九寸八分

分之七一之七節如是推大椎第一節上是一椎節
下陶道知身柱第三椎節下神道第五不須疑靈臺
第六至陽七筋縮第九之下思脊中接脊第十一懸
樞十二椎下宜陽關一十六椎下二十一下腰俞窺
其下再有長強穴請君逐一細分之中節七節寸六
一大要十四前平臍一尺一寸二分七後有密戶宜
審思此下是爲下七節一寸二分零六釐

任與督一源而兩歧也督則行會陰而至背任則由
會陰而行腹夫人身之有任督猶天地之有子午也
人身之任督以腹背言天地之子午以南北言可以

分可以合也。分而言以見陰陽之不雜，合而論以見混淆之無間也。

奇經八脉

奇經八脉見於兩手浮之俱有，陽沉之俱有，陰陽皆實盛，此衝督之脉。十二經之道路不復朝於寸口，用事其人苦恍忽狂癡不者，必當猶豫有兩心。

督脉起小腹以下骨中，女子入繫廷孔之端，其絡循陰器，合纂間繞纂後，別繞臀，至少陰與巨陽中絡合少陰上股內後廉，貫脊屬腎，與太陽起目內眥上額交巔，上入絡腦，還出別下項，循臂膊內挾抵腰中，入循脊絡。腎男子循莖下至纂，與女子等，其小腹直上者貫臍中央，上貫心入喉，上順環唇上系兩目之中，故生病從小腹上衝心而痛，應前後爲衝疝。女子不孕，癰痔遺溺，嗑乾治在督脉。

督脉之别名曰長强，挾脊上項，散上頭，下當肩胛，左右走太陽，入貫脊，實則脊强，虛則頭重，取之所別，故難經曰：督脉起於下極入腦，上巔循額至鼻柱，屬陽脉之海，故病則令人脊强反折。

尺寸俱浮，直上直下，此爲督脉。腰脊强痛，不可俯仰，大人癰疾，小兒風癇。

人癰小兒癰
脉來中央浮直上下痛者督脉動苦腰背膝寒大

任脉與衝脉皆起胞中循脊裏其浮而外者循腹上行會於咽喉別絡唇口血氣盛則肌肉熱血獨盛則滲灌皮膚主毫毛婦人有餘於氣不足於血以其月事數下任衝並傷故也任衝之交脉不營於唇口故髭鬚不生是以任脉爲病男子內結七疝女子帶下瘕聚故難經曰任脉起於中極之下至咽喉上循面目屬陰脉之海也

橫寸口邊九九此爲任脉苦腹中有氣如指上搶心不得俯仰拘急

脉來緊細實長至關者任脉也動苦小腹繞臍下引橫骨陰中切痛

兩手陽脉浮而細微綿綿不可知俱有陰脉亦復細綿綿此陰躋陽躋之脉

陽躋脉起於跟中循外踝上行入風池其爲病令人陰緩而陽急兩足躋脉本太陽之別合於太陽其氣上行生於申脉以輔陽爲郄本於僕參與足少陰會於居髎又與手陽明會於肩髃及巨骨又與手足太陽陽維會於臑俞與手足陽明會於地倉又會巨髎

又與任脉足陽明會於承泣凡二十穴

陽蹻爲病陽急而狂奔一云外踝以上急內踝以上緩又云陽蹻病拘

陰蹻脉亦起於跟中循內踝上行至咽喉交貫衝脉病則陽緩而陰急故曰蹻脉者少陰之別別於然谷之後上內踝之上直上循陰股入陰上循胸裏入缺盆上出人迎之前入鼻屬目內眥合于太陽男以爲經女以爲絡而陰蹻之郤在交信

陰蹻爲病陰急而足直一云內踝以上急外踝以上緩又云陰蹻病緩

衝脉與任脉皆起胞中上循脊裏爲經絡之海其浮於外者循腹上行會於咽喉別絡唇口故曰衝脉者起於氣衝並足少陰之經挾臍上行至胸而散病則令人逆氣裏急難經曰並足陽明之經以穴考之足陽明挾臍左右各五分而上行鍼經云衝脉與督脉同起於會陰其在腹也行乎幽門通谷陰都石關商曲育俞中注四滿氣穴大赫橫骨凡二十二穴皆足少陰之分也然則衝脉並足少陰之經明矣

衝脉者五藏六府之海也五藏六府皆稟焉其上者出於頑顙滲諸陽灌諸精其下者注少陰之大絡出

于氣街循陰股內廉入腠中復行骭骨內下至內踝
之後屬而別其下者並于少陰之經滲三陰其前者
復行出跗屬下循跗入大指間滲諸絡而溫肌肉
尺寸脉俱牢直上直下此爲衝脉腹中有寒疝也
脉來中央堅實徑至關者衝脉也動苦少腹痛上
搶心有疝瘕絕孕遺矢溺脇支滿煩

陽維脉維於陽其脉起於諸陽之會與陰維皆維絡
於身若陽不能維則溶溶不能自收持其脉氣所發
別於金門以陽交爲却與手足太陽及蹻脉會於臑
俞與手足少陽會於天髎又會於肩井在頭也與足
少陽會於陽白上於本神及臨泣上至正營循於腦
空下至風池其與督脉會則在風府及瘕門難經云
陽維爲病苦寒熱此陽維脉氣所發凡二十四穴

陽維見證

苦寒熱目眩肩息洒洒如寒陽盛也

陰維脉維於陰其脉起於諸陰之交若陰不能維於
陰則悵然失志其脉氣所發者陰維之却在築賓與
足太陰會於腹哀大橫又與足太陰厥陰會於府舍
期門與任脉會於天突廉泉難經曰陰維爲病苦心
疼此陰維脉氣所發凡十二穴

陰維見證

苦心痛胸中痛脇下支滿男子兩脇實腰中痛女子陰中痛如有瘡狀

帶脉起於季脇圍身一周其爲病也腰腹縱容如囊水之狀其脉氣所發在季脇下一寸八分正名帶脉以其如束帶也又與足少陽會於維道此帶脉所發凡四穴

中部左右彈者帶脉也動若小腹痛引命門女子月水不來絕繼復不止陰僻寒令人無子男子苦小腹拘急或失精也一云苦腹滿腰溶溶若坐水中

凡此奇經八脉别道而行如設溝渠以備水潦之溢病非自生蓋諸溢出而流入之也

維者總持諸脉之綱維躋者健足行走之關要督言其都陽脉之會也任取其妊生養之原也衝者陰脉之通自足至頭通受諸經之氣血帶者廻繞於身總束諸脉取束帶之義焉